

A *rubá***A** *ntaño*

Nos tin un dicho bon conoci, cual ta bisa "Nunca bo ta rey riba bo mes suelo". Esaki ta uno cu pa basta tempo nos ta bin ta observando y constatando. Den e dlanan aki tur hende tur part di mundo ta pendiente y yen di preocupacion pa loke ta pasando den e guerra cu ta andando na e Golfo. Manifestacionnan di protesta dor di e mayornan na Merca. Entrevista y opiniones na granel. Preguntanan sin respuesta (contestacion) ta keda colga y hasta e verdadero vision pa cu esaki no ta ser mira pa hopi di nos. Cu esaki ainda nos tin nos hendenan sa di tur e tres guerranan mundial aki. Esun di prome na 1914, unda tambe e mascara di gas mester a ser bisti y cu tabatin segun historia un saldo enorme di morto. E alemanan a ser derrota y a ser firma e armisticio na fin di 1918. E mariscal Foch y e mariscaxl Joffre a drenta Paris dilanti di nan trupanen. A cuminsa pa Europa un periodo nobo di paz. E segunda guerra mundial a cuminsa na 1939 y a termina na 1945, y aki ta unda nos jovennan a ser yama pa servicio militar obligatorio. Nos Aruba di Antaño a mira como e unico den e hemisferio aki un participacion den esaki. Varios na puesto di servicio a perde nan bida di un forma of otro. Nos tin te ainda dos cu a sufri e consecuencianan di e guerra y cu no a haya ni sikiera e merecido compensacion pa nan desvalidez y di cual te ainda nan ta sufriendo di esaki. Un di nan ta bringando pa sikiera ser compensa cu loke el a gasta pa busca su recuperacion di su oido cu a ser dañá dor di e explosion di e torpedo cu a subí terra net dilanti caminda awendia nos tin Manchebo Beach Hotel. Pero mas tristo di e asunto ta cu esnan cu tin di traha un rapport pa recomendacion, ni sikiera tabata den bruki e tempo ey, y no sa nada di Aruba Antaño den e tempo di e segunda guerra mundial. Nos grafico ta muestra ainda unda ta derra esun prome cu a muri a causa di bala durante su warda den Lago. E ta soldaat-schutter A. C. Mackaai - naci na 1921 y a muri a causa di bala na 1942, e aña cu Aruba a ser ataca pa submarinonan aleman. E racionamiento di cuminda y e promer necesidadnan awe ta un preocupacion pa muchos, y tras di esaki tambe ta sinta varios comentarios. Pero e pregunta ta keda "Kiko nos hendenan a haci durante e prome guerra mundial y esun di dos den un caso similar cu esun di awendia?" Hopi di nos sa, y hopi di awendia no tin un idea. Nos tin ainda nos laman rico den pesca, y nos terra ta fértil manera semper e tabata nomas cu pa un tempo a ser lubida.